

## EVENING GOJRI NEWS BULLETIN

9 JAN 2026

1700 HRS

ایوننگ گوجری نیوز بولیٹن 9 جنوری 2026

\*\*\*\*\*

یوہ آکاشوانی جموں بے محمد سفیرتے نصرت چودھری تیں خبر سُنو۔

\*\*\*\*\*

### HEADLINES

- ۱۔ یوم جمہوریہ غی تقریبات تیں پہلاں جموں سرینگر قومی شاہراہ ور حفاظتی انتظام سخت کردتا گیا ہیں۔
- ۲۔ سانہ ضلع مانہ ہتھیار بند شخص غی اطلاع لبن ور تلاشی مہم شروع کردتی گئی ہے۔
- ۳۔ شمالی ریلوے غی جانب تیں کٹرا خصوصی ریل خدمات نانہ 11 جنوری توڑی بدھا دتو گیو ہے۔
- ۴۔ ضلع انتظامیہ ڈوڈہ تے محکمہ سیاحت غا اشتراک سنگ بہدرواہ سرمائی میلہ 2026 غو انعقاد 17 تے 18 جنوری نانہ کیو جے غو۔
- ۵۔ کشمیر مانہ سردی غی لہر جاری ہے تے جموں مانہ تھند غی وجہ تیں درجہ حرارت منفی توڑی پُج گیو ہے۔

\*\*\*\*\*

### SECURITY TIGHTENED

یوم جمہوریہ غی تقریبات تیں پہلاں قومی شاہراہ 44 ور حفاظت ور سخت انتظامات کردتا گیا ہیں۔ حُکام نے اضافی نفری تعینات کی ہیں، ناکہ لایا گیا ہیں تے گشت مانہ اضافو کیو گیو ہے تانجے نقل و حمل غی روانی برقرار رہ سکے، تے کسی وی قسم ناخوشگوار واقع تیں بچو جاسکے۔ ان اقدامات غو مقصد امن۔ و۔ امان نانہ قائم رکھنو ہے تے قومی شاہراہ ور سفر کرن آلاں غی حفاظت نانہ یقینی بنانو ہے۔ افسراں نے گڈی چلان آلاں تیں اپیل کی ہے کہ وہ حفاظتی انتظامات مانہ اپنو تعاون کریں تے ٹریفک ہدایات ور عمل کریں۔ یے

سخت حفاظتی انتظامات مرکزی زیر انتظام علاقہ مانہہ یوم جمہوریہ غی  
مجموعی حفاظت غو حصو ہے۔

\*\*\*\*\*

#### SEARCH OP SAMBA

ضلع سانہہ مانہہ حفاظتی دستار نے مشکوک نق و حرکت غی اطلاع لبھن  
تیں بعد تلاشی کاروائی شروع کی ہے آکاشوانی جموں غا نمائندہ غے مطابق یاہ  
تلاشی کاروائی تد شروع کی گئی جد کاٹلی علاقہ گا لوکاں نے اطلاع دتی جے  
انہاں نے ہتھیار سمیت اک شخص نانہہ دیکھیو ہے۔ایاں جموں شہر غے کنڈے  
سدھرا گا جنگلاتی علاقہ مانہہ وی پولیس، ایس۔او۔جی تے سی۔آر۔پی۔ایف نے  
مشترکہ طور ور تلاشی کاروائی شروع کی ہے تے فوج تے پولیس نے جموں گا  
میراں صاحب مانہہ وی تلاشی مہم چلائی تے اس طرح یاہ کاروائی پوری رات  
جاری رئی جس مانہہ آن جان آلی گڈیاں لاریاں غی وی جانچ پڑتال کی گئی۔

\*\*\*\*\*

#### SPECIAL TRAIN

شمالی ریلوے گا جموں ڈویزن نے مسافراں غی بدھتی منگ تے سفر غی آسانی  
ناں نظر مانہہ رکھتاں واں نویں دلی تے شری ماتا ویشنو دیوی کٹرہ بشکار  
خصوصی ریل گڈی نمبر 04081-04082 غی خدمات بدھان غو اعلان کیو ہے۔  
آکاشوانی جموں گا نمائندہ غے مطابق، ریل گڈی نمبر 04081 نویں دلی تیں اج  
تیں پلک کٹرہ واسطے چلے غی تے گڈی نمبر 04082 پلک تیں پرسوں کٹرہ تیں  
نویں دلی آلی بکھی چلے غی۔

\*\*\*\*\*

#### SDCM AWARD

شمالی ریلوے جموں ڈویزن گا سنٹیئر ڈویزنل کمرشل منیجر اوچت سنگل نانہہ  
سال 2025 مانہہ بہترین خدمات انجام دین گا سلسلہ مانہہ اتی وشیشٹ ریل  
سیوا پورسکار سنگ نوازیو گیو ہے آکاشوانی جموں گا نمائندہ غے مطابق یوہ  
اعزاز انہاں نانہہ جموں ریلوے ڈویزن مانہہ مسافراں غی خدمات واسطے بہترین

کارکردگی گا سلسلہ مانہہ دتو گیو ہے۔ اس اعزاز بارے بولتا واں ایس ڈی سی  
ایم جموں اوچیت سنگل نے اس طرح کہیو۔

\*\*\*\*\*

#### MLA GYM

سرحدی علاقہ مانہہ صحت تے نوجواناں غی ترقی نانہہ فروغ دین واسطے ایک  
اہم قدم گا طور ور ایم۔ ایل۔ اے اعجاز جان نے اج کالج گراونڈ پونچھ مانہہ جدید  
جیم غی عمارت غی سنگ بُنیاد رکھی۔ یاہ جیم تقریباً 20 لکھ روپیہ غی لاگت  
تیں تعمیر کی جے غی جس سنگ علاقہ گا نوجواناں نانہہ جسمانی تندرستی  
تے کھیڈاں غی سرگرمی واسطے جدید سہولت لبے غی۔ تقریب مانہہ بڑی تعداد  
مانہہ مقامی لوک، نوجوان رہنما تے ضلع انتظامیہ تے کالج غو عملو موجود  
تھو۔ اس موقع ور خطاب کرتا واں ایم۔ ایل۔ اے اعجاز جان نے اس طرح کہیو۔

\*\*\*\*\*

#### BHADERWAH WINTER FEST

ضلع انتظامیہ ڈوڈہ محکمہ سیاحت غی سنجیالی سنگ آئیندہ 17-18 جنوری  
نانہہ سلانہ بھدرواہ سرمائی میلہ گو انعقاد کرئی ہے اس جامع میلا مانہہ  
صرف سیاح ہی نی آویں گا بلکہ مقامی لوکاں واسطے روزگار گا موقع وی  
کھلیں گا۔ ذرائع ابلاغ سنگ گل کرتا واں ڈی سی ڈوڈہ برویندر سنگھ نے کہیو  
جے ہم صرف ضلع ڈوڈہ نانہہ ہی نہیں بلکہ پورا جموں کشمیر نانہہ اس میلا  
غا انعقاد غی اطلاع دے رہیا ہیں انہاں نے مزید اس طرح کہیو۔

\*\*\*\*\*

#### UNIFORM ALLOWANCE

سرکار نے سپیشل سکیورٹی گا اہلکاراں غا حق مانہہ شروعاتی یونی فارم  
الونس تے سالانہ تجدیدی الونس نانہہ منظوری دے دتی ہے آکاشوانی جموں  
گا نمائندہ غے مطابق وزارت داخلہ غی طرفوں جاری کیا گیا حکم نامہ غے تحت  
ان اہلکاراں نانہہ مزکورہ الونس 20 ہزار روپیہ غی صورت مانہہ دتا جیں گا تے  
یاہ رقم 2 برابر قسٹاں مانہہ دتی جے غی تے دواں قسٹاں بشکار 6 مہینہ گو  
وقفو وے غویاد رہ جے اس حکم نامہ مانہہ سالانہ 5 ہزار روپیہ غا یونی فارم

تجدیدی لائونس گو وی ذکر کی وگیو بے جھیڈو شروعاتی یونیفارم آئونس غی  
آخری قسط وصول ہون غی تاریخ تیں اک سال بعد ادا کیو جے غو۔

\*\*\*\*\*

#### JASROTIA JITENDRA

جسروٹا حلقہ تیں ریکن اسمبلی راجیو جسروٹیا نے اج نوی دہلی مانہہ وزیر  
اعظم غا دفتر مانہہ ریاستی وزیر ڈاکٹر جتندر سنگھ تیں ملاقات کی تے ضلع  
کٹھوعی غا جسروٹا حلقہ مانہہ اہم سڑکاں تے ریل رابطہ غا منصوباں غی ترقی  
ور زور دتو۔ میٹنگ غے دوران جسروٹیا نے ایک تفصیلی تحریری درخواست  
پیش کی، جس مانہہ حلقہ غا فوری بُنیادی ڈھانچہ غی ضروریات نانہہ اُجاگر  
کیو گیو، خاص طور ور سڑکاں غی بہتر سہولت، ریلوے انڈر پاس، تے لما عرصہ  
تیں رُکیا واں ریل غا منصوباں ور وی خاص توجہ دتی گئی۔

\*\*\*\*\*

#### FOOD SAFETY

ضلع انتظامیہ رام بن نے ضلع مانہہ محفوظ خوراک تے صحت مند غذا غا  
موضوع ور ایک میٹنگ منعقد کی۔ میٹنگ مانہہ ڈپٹی کمشنر رام بن محمد  
الیاس خان نے خوراک گا تحفظ غا قوانین ور سختی نال عمل کرن تے عوام  
نانہہ صاف تے محفوظ خوراک فراہم کرن ور زور دتو۔ خوراک غی حفاظت بارے  
افسراں نانہہ ہدایت دتی گئی کہ وہ خاص طور ور غیر اندراج شدہ خوراک  
غو کاروبار چلان آلاں غے خلاف جانچ تیز کریں، قانون غی خلاف ورزی کرن  
آلاں ور کاروائی کریں تے اندراج۔ و۔ لائسنس نانہہ بروقت تجدید واسطے عوام مانہہ  
بیداری مہم چلائیں۔ خوراک غی حفاظت بارے محکمہ نانہہ وی تیز سنگ  
نمونہ لین تے جانچ کرن غی ہدایت دتی گئی۔ اس بارے مزید گل کرتا واں رام  
بن تیں خوراک غی حفاظت بارے افسر، بلبیر سنگھ نے اس طرح کہیو۔

\*\*\*\*\*

#### WEATHER

جموں کشمیر غا مرکزی زیر انتظام علاقہ مانہہ شدید سردی غی لہر جاری  
بے۔ جموں خطہ مانہہ کئی جگہاں ورات نانہہ درجہ حرارت مانہہ کمی دیکھی

گئی۔ جموں شہر مانہہ کہٹ تیں کہٹ درجہ حرارت 7.1 ڈگری سلسیش درج  
کیو گیو۔ اونگا، سرینگر مانہہ کہٹ تیں کہٹ درجہ حرارت منفی 5 عشریہ 1 ڈگری  
سلسیش درج کیو گیو ہے۔ ادھمپور مانہہ درجہ حرارت 6.6 ڈگری تیں کہٹ ہو  
غے 2 عشریہ صفر ہو گیو۔ پہلگام مانہہ منفی 8.6 ڈگری درج کیو گیو۔ گلمرگ  
مانہہ وی درجہ حرارت منفی 7.6 ڈگری درج کیو گیو۔ محکمہ موسمیات غا  
افسراں غے مطابق یاہ سردی غی لہر اگلا چند دناں توڑی جاری رہ غی۔ اس  
بارے مزید گل کرتا واں محکمہ موسمیات غا ڈائریکٹر مختار احمد نے اس طرح  
کہیو۔

\*\*\*\*\*